

古今事文類聚

外集
八之九

~~98
87~~

逍遙文庫
文庫 6
28
87





新編古今事文類聚外集卷之八

南江 富大用 時可 編

金陵 唐富春 子和 梓

諸使司部

提刑按察使

歷代沿革 唐正觀初遣大使十二人巡省天下諸州水旱則有
 巡察安撫之名龍神二年以五品已上二十人爲十道巡察
 使按舉州縣再周而代景雲二年置十道按察使每道各一
 人開元二年改曰十道按察採訪處置使四年罷八年復置
 十道按察使二十年改曰採訪使分十五道二十五年命諸

唐文苑英華卷之八

道採訪使考課官吏善績三年一奏永為常式天寶末又兼
黜陟使乾元元年改曰觀察處置使開寶五年遣常參官
四人分詣諸路相度田土苗稼點檢採訪公事九年遣和峴
江南道採訪淳化二年諸路轉運司置提點刑獄景德中始
置諸路提點刑獄公事以朝臣充掌察所部疑留獄訟勸課
農桑而按其官吏之不法者慶曆三年詔諸路轉運使並兼
按察使每歲具官吏能否六年罷之熙寧中嘗遣使採訪紹
聖中詔三歲一遣郎中御史按察諸路監司各道置提刑
按察使有副使發書公事為之貳又置經歷知事等員至元
二十八年改肅政廉訪使

羣書要語汝陳時臬事書用告爾祥刑同上奉茲星使採訪風

謠六帖周適四方巡行風俗漢方八使觀採方言同上勤宣帝
命敷求人瘼同上今雖遣大夫循行風俗銜命糾察以黜陟為
名揚虎視之威厲秋鷹之爪華嚴表

詩句願君五袴手報此米粟魂見刺史天稍忘獄吏尊東坡

送黃師彥赴兩浙憲嚴能喜劇部持節按詳刑山谷召節自天

回使節郎星朝斗作台星楊誠齋使星移照天西去白鷺青原

遮不住同上憲臺師表光且耿濂溪留濂溪井云陽春有

脚來江城銀漢乘槎移使星嶺上梅花莫遲發先遣一枝迎五

節同上方丈蓬萊第十八星軺玉節正青春同上却從吾州奪

吾侯同上一州奪與三十州梅花一笑迎漢節桂花八株吹嶺雪使

星歸去作台星超過郎星與卿月同上

事文類聚外集卷之八

古今事實

綉衣使者

暴勝之為直指使者衣綉持斧以出討盜賊漢書

朱衣前導

舊制兩省客出使得朱衣吏前導唐職林

捕督盜賊

熙寧十年以丁執禮為河北西路提刑使上諭之曰卿職在刑獄盜賊最急宜用捕督盜賊

平反獄訟

高賦言國家置提刑司蓋欲平反獄訟使民不冤詳見檢法門洗冤澤民

濂溪先生周敦頤提點廣東刑獄不憚出入之勤瘴毒之侵鮮
荒崖絕島人跡所不至處亦必緩視徐按以洗冤澤民為已任
淵源錄

訊獄活囚

馬亮徙福建提刑獄亮至部覆訊冤獄全活者數千人仁宗實錄

諭民作詩

何耕字道夫除漳州提刑諭民作詩四十二篇語平易而教化
寓焉郡邑家有其書強暴犯法父老必譙曰汝不誦何公詩乎
往往知悔而民即無訟獄矣周益公集

諭盜原罪

元祐中蔡挺起知南安軍擢江西提點刑獄時盜賊為江西福

建八州之患，挺告諭所部，私諭裁器甲，與其首納原其罪所得兵械以萬計，於是盜賊始衰。東都事略

立榜伸冤

公先提點荆湖北路刑獄，衛人思之，繪公像建祠于城東青草寺，再使湖北，先聲入境，而奸吏望風解印，殺者數十人。按部所至，立大榜於前，云：凡負抑冤州縣不理者，立其下。於是積年無告之冤，咸得伸雪。瀘溪先生王庭珪撰向子志行狀

諭囚獲罪

鄭丙為廣西提點刑獄，歸正沙世堅，素武勇，坐賊決配靜江。公時為憲部，有劇賊未獲，公諭世堅立功贖過，世堅賊渠魁，以獻閱兵止奸。

呂居簡擢提點京東刑獄，徐州人有告孔直溫等挾妖法誘軍士為變，而運使不受理者，居簡亟令改狀，合巡尉捕其黨，誅之。詔遷一官，已而濮州復有叛者，民相挺驚潰，居簡馳往得其首，惡誅之，因大閱兵饗士，奸不得發。詔又遷一官。神宗實錄

收舉贓罪

順帝選有盛名周舉、杜喬、秦巴、張綱等，分行天下，刺史二千石有贓罪顯明者，驛馬上之，墨綬已下，使輒收舉。

布宣德澤

裴度以司對員外郎知制誥，田弘正效魏博六州于朝，憲宗遣度宣諭弘正，知度為帝高選，故郊迎受命，且請徧王屬州布宣天子德澤，魏人歡服，還拜中書舍人。

往使建節

司馬相如建節往使蜀太守以下郊迎縣令負弩先驅

所過畫圖

李詢拜待御史持節使幽州慰撫北狄所過皆圖山川并屯田聚落百餘卷悉奏之

使民歸本

李襲譽擢江南巡察大使多所黜陟揚州江吳大都會俗喜商賈不事農襲譽為引雷陂水築為城塘溉田八百頃以盡地利民多歸本唐本傳

禁民淫祠

狄仁傑為江南巡撫使吳楚俗多淫祠仁傑畫禁止上留夏禹

吳太伯季札伍員四祠唐本傳

循行天下

漢元帝詔臨遣光祿大夫王褒等十一人循行天下注臨遣謂臨臨而約救遺之

又武帝遣博士循行天下舉獨行君子有

特招使者之任也

巡視州縣

張廷珪請復十道使巡視州縣帝然納之因詔陸象先等分使十道

宣布聖德

立春遣使者循行風俗宣布聖德存恤孤寡問民所勞苦二千石咸宣傳

覽觀風俗

王莽遣使者分行天下覽觀風俗王莽傳

處決平恕

唐馬懷柔以十道使黜陟江西處決平恕

多振寬滯

劉詩道詔巡察關內道多振寬滯

發粟振貧

武帝時河內失火使黜往視之黜曰不足憂臣過河內河內貧

人傷水旱萬餘家臣謹以便宜持節發河內倉粟以賑貧民請

歸節伏矯制罪

持節承制

王莽遣使持節承制乘傳使者經歷郡國日且千輩

持節勞徠

唐貞元八年州縣大水權德輿建言宜選群臣明識通方者持

節勞徠

勞問循慰

正元八年吳陟遷中書舍人江南淮西皆大水詔陟勞問循慰

所至人人便安

振贍流民

孔光為博士數使錄寬獄行風俗振贍流民奏使稱旨由是知

各

繩糾吏治

皇文類聚外集

卷之八

六

事文類聚外集 卷之八
韋見素天寶五載為江西山南黔中鎮南黜陟使繩糾吏治所
至震畏

分道賑贍

劉思立在上元時為名御史時河陽大旱詔遣御史中丞崔誼
等分道賑贍思立言蠶務未畢而遣使撫巡所至不能無勞擾

巡邊請行

程昇同平章事明年西北軍政不治議置巡邊使憲示問孰可
者乃自請行

持節行郡國

漢昭帝始元元年遣王平等五人持節行郡國舉賢良問民所
疾苦竟失職者

持節詔郡

宣帝始初遣使者持節詔郡國二千石謹牧養而風德化

陸贄陳五術

陸贄補渭南尉德宗立遣黜陟使十人行天下贄說使者請
以五術察風俗聽諺頌審其哀樂納市賈觀其好惡訊簿書考
其爭訟贄車服等其儉素自作業察其趣舍

子昂對三事

唐陳子昂對三事一言九道出大使巡按天下申黜陟求民瘼
臣謂計有未盡也且陛下發使必欲使百姓知天子夙夜憂勤
群臣知考績而任之也好暴不逞知將除之也則莫若擇仁可
恤孤明可振滯剛不避強禦智足以照奸者為使故轉軒未動

而天下翹待今使未出道路之人皆已指笑欲望進賢退不肖
豈可得耶

古今文集

雜著

八使出巡賦

張友正

明明漢皇文物昭彰順帝以化俾人從康將欲敷聖政舉皇綱
乃分國之八使而宣命於四方八使伊何朝中之善將假其權
尤難其選稱直指而獨五歌皇蓋乎而分遣綉衣既盛於新儀四
牡載光於古典當官而行受命益崇善微毫而必舉惡纖芥而
必貶舉善者必尋其清流之源度惡者必去其阿諛之誦或負
官闕之厚授不顧城社之微託無懼薰蕕不驚繒繳肆豺狼之

毒懷鳥旣之惡徑持斧而前進歛下鞠而直搏誓將去大旅而
拔盤根安問狐狸之與鳥雀其有銑心公器戮力王室知賢才
而能進察奸佞而能黜必將上聞於天子寧侯於終日道之不
憇人亦焉度操利劍而刺其固懸明鏡而燭其幽使乎使乎萬
方觀德天下之治也賢者當其權天下之亂也不肖居其職求
訛偽之訟採妖艷之色方直者干以退蔽阿諛者由是登陟為
謂之治也歟適足以亂其國我國家統紀有經超古作程采虞
典之考績法漢家之分行舉八元而普天輯睦按十道而攬轡
澄清太階既平君聖臣明豈待久於其道而後天下化成

古詩

送蔡定夫使廣東

楊廷秀

國朝以來妙人物近世獨數乾道年后皇乃武再開闢欲傾東
 海洗乾坤九淵探珠巖採璞天地為綱具羣賢土堂金茲貯稷
 契蓬山璧米俱崔班追還慶曆元祐初突過貞觀開元前麟臺
 正字蔡夫子乃祖元是四諫官風流文采已碧梧忠義慷慨仍
 青氈折檻舊痕故無恙后皇是日動龍顏嚴霜烈日照鴻鸞一
 身似葉飄淮壘柴門僵臥二臘雪魚釜僅續一線煙后皇九重
 念五嶺生愁雨露南方乾詔謂正字當居中肯為朕行緩百蠻
 梅花迎笑錦囊古南斗退避文星寒動搖山岳細事耳約東海
 若收波瀾坐令百姓萬里外墮在二陝三輔間檳榔紅時乏泥
 紫歸來徑着侍臣冠我家江西更西處白鷺洲對青原山公歸
 肯訪老翁否酷酒滿眼未必然青芻白飯聊隨綠

律詩

逆許覺之奉使東川

王介甫

三秋不見每惓惓握手山林復悵然後會敢期黃香日相看且
 度白雞年畏塗石棧王尊馭榮路金門祖述鞭一代官儀新藻
 拂得瞻宸宇想留連

送劉和父奉使江南

王介甫

劉郎今日擁旌麾傳到江南喜可知上冢還須擊羊豕下車應
 不問狐狸無人敢勸公榮酒為我聊尋逸少池亦見嶺頭花爛
 熳更將春色寄相思

送洪使君

劉克莊

雖擁朱幡貴清臞兩鬢霜判花人競誦詩草士深藏農飽因蠲

賦州貧為採荒。公歸無媿面。應可見嚴光。

和李侍御奉使

孟浩然

南紀西江闊。皇華御史雄。載流寧假楫。掛席自生風。察案筆奪鷁。魚龍亦避鰐。坐聞白雲唱。翻入棹歌中。

送崔郎中往使西川行在

韋莊

拜書辭玉帳。萬里劍關長。新馬杏花色。綠袍春草香。一身朝玉陛。幾日過銅梁。莫戀爐邊醉。仙宮待侍郎。

送張天覺使河東

孔常甫

曾立玉墀聯近侍。新持金節領諸侯。屠龍伎倆終須用。探虎功名未肯休。

酬裴司空

韓退之

御命山河撫亂師。日馳三百自嫌遲。風霜滿面無人識。何處如今更有詩。

奉使京西

李涉

盧龍已復兩河平。烽火樓邊處處耕。何事書生走羸馬。原州城下又添兵。

奉使鄂渚

滄洲不復亦魚竿。白髮那堪帶鐵冠。客路向南何處是。盧花千里雪漫漫。

送崔員外使回入京

陸暢

六宮星裏一星歸。行到金鈞近紫微。侍史別來經歲月。今宵應愛護香衣。

奉和聖製送十道採訪使及期集使

張九齡

三年一上計。萬國趨河洛。首路廻竹符。分鎮揚木鐸。昭晰動天文。殷勤在人瘼。

送期集使

王維

玉乘迎天客。金節送諸侯。祖席傾三省。寒帷向九州。

送顧子敏使河朔

韓退之

金虜勒燕然。蔚廟登劍履。翻然西河朔。坐念東都水。

奉使常山呈副使

同前

朗朗聞行鼓。晨起似朝時。翻翻走驛馬。春盡是歸期。

送王季德提刑

楊廷秀

寶儲依舊接英游。蕩節何曾遠漢旒。卿月使星銀漢曉。綉衣紵服太湖秋。

轉運使

歷代沿革唐先天二年李傑始為水陸發運使使名之起於此開元二十一年裴耀卿以侍中充江南淮南轉運使而崔希逸蕭冕為副副使始此天寶以韋堅充勾當轉運使第五琦充諸色轉運使劉晏充諸道轉運使其後韓滉杜棕杜讓能崔昭緯皆以宰相充使而諸道分置巡院皆統於此五代罷巡院始置轉運使宋朝執祖開基德五季之亂潘臣擅有財賦不歸王府自乾德以後潛偽略平始置諸道轉運使以摠

事類彙編

利權開寶六年廣南平除徐澤為判官蓋轉運判官始此其
 轉運使之名國初但曰勾當某路水陸計度轉運事官高者
 則曰某路計度轉運使太平興國初皆曰使兩省以上則為
 都轉運使又置副使與諸路判官又置同勾當轉運事俄罷
 諸路副使真宗每用兵或令都部署兼轉運使王師征討則
 有隨軍轉運使事畢即停至道中詔曰天下物宜民間利病
 惟轉運使得以周知令更互赴闕庭見詢問焉慶曆中皆帶
 按察之任六年罷之先是判官與轉運爭權而罷至嘉祐中
 復置熙寧二年詔轉運使用本資序人即充資序下一等為
 權二等為權發遣中興以來逐路都轉運使除授不常唯使
 副判官常置舊制轉運使除授皆命詞給誥渡江已後例給敕

命後稱復舊轉運使副命詞運判則否六年諸路運判亦命
 詞給誥光宗紹熙以來使副運判不雙除元置都轉運鹽使
 正三品又有同知副使又置諸轉運使從三品有同知副使
 又置漕運使從六品有副使知事等員

群書要語粟行三百里則國無一年之積粟行四百里無二年
 之積行五百里則衆有憂色官任法篇轉輸正稅白六帖漕運

貢賦漕引土貢充羨天府國用軍儲况當富庶之朝宜

崇漕運之任領漕輓之務必在公勤並同上漢追糧道委於

丞相蕭何事晉開較運任在尚書杜元凱事金六帖陝路漕引

悉歸中都唐大詔令督餉朔都曲阜行河北運副制勾校奸贓

未減賦取公財不耗疲人樂生杜牧裴論制縮牢籠漕輓之職

同上爾文學議論見推時輩又在近服宜知朕旨將輸之任較以汝行爾其布宣朕不遐棄張于湖除夔路運判出總舟車之

饋曲阜行峽西運使制往總一方刺篤之任行河北轉運制遠

採漢典設制舉之官近參唐制考將漕之最湖文恭行趙良規

制賦輿衍增分輸錯出同上分部而名雖以將漕其實在於總

庶務之予奪察羣吏之能否南豐除蔡焯制

古今事實

饋餉不絕

漢楚相拒滎陽蕭何守關中計戶轉漕給食不乏高祖曰鎮國家撫百姓給饋餉不絕糧道吾不如蕭何漢書

轉輸不絕

漢光武拜寇恂河內太守謂曰河內全富吾將因是而起昔高祖留何鎮關中吾今委公以河內堅守轉運給足軍糧光武於是北征恂收租四百萬斛轉以給軍時軍食乏恂以輦車驅馬轉輸前後不絕後寇恂傳

漕給中都

高帝時漕山東之粟以給中都之官不過數十萬石孝武通西南夷道作者數萬人千里負擔餽糧率十餘鍾致一石取官分

漕給京師

昭帝五鳳中耿壽昌奏言故事歲漕關中穀四百萬斛以給京師用卒六萬人宜糴三輔弘農河東上黨太原郡穀足供京師可以省關中漕卒過半前食貨志

開渠通漕

元宗擢韋堅為陝郡太守水陸運使漢有運渠起關門西抵長安引山東租賦堅乃占咸陽壅涇為堰絕灞澁而東注永豐倉下復與涇合初涇水之左有望春樓堅于下濬為潭以通漕帝為升樓詔群臣臨觀詔曰關輔之間尤資穀贍比來轉輸未免艱辛故置此潭以通漕運萬代之利一朝而成唐韋堅傳

置倉省運

唐裴耀卿同門下平章事充轉運使於是置河陰集津三門倉引天下租錢盟津汴河而西三年積七百萬石省運費三十萬緡或說耀卿請進所省脚錢以明功利耀卿曰此蓋公家盈縮之利爾不可以求寵乃奏充所司和糴等錢明年遷侍中

置吏督糶

唐韋堅善探候王意見宇文融等以力剝財物爭行進奉而置恩顧堅乃以轉運江淮租賦所在置吏督察以裨國之倉廩

負米先起

劉晏與元載書曰見一水不通思荷鍾而先往見一粒不運使負米而先起焦心苦形期報明王晏以轉運為任如是

通貨盈虛

唐王播字明敷充諸道轉運使程昇為副昇尤通萬貨盈虛

案牘剖析

王播充諸道轉運使雖案牘執掌剖析如流黠吏詆欺無不彰敗

必究利病

劉晏以轉運為已任是所經歷必究利病運米數千萬石以濟

并察治否

漢王陽加鹽鐵轉運副使并察諸侯治否王陽氣豪倨所至會

飛芻輓粟

秦欲攻匈奴使天下飛芻輓粟起於黃陞琅琊至負海之郡轉輸河北率三千鍾而致一石前漢書

木牛流馬

諸葛亮長於巧思木牛流馬皆出其意

糧儲粗備

范忠宣公純仁自陝西轉運副使召還神宗問曰卿在陝西久主漕輓必精意邊事城郭甲兵糧儲如何公對曰城郭粗安甲兵粗修糧儲粗備言行錄

賦歛寬平

王待制質遷荆湖北路轉運使當用兵西方急於財用之時獨不進羨餘其賦歛近寬平治以常法他路不勝其弊而荆湖之人自若言行錄

較入歲增

李英杜佑表為鹽鐵轉運副使俄代佑使任自劉晏後職廢不振賦入脫耗異泚職一年較所入如晏最多明年又過之又明

年增百八十萬緡

按行利病

劉晏時大兵後斛米千錢禁膳不兼時旬裝援穗以輸晏乃自
按行浮淮泗達于汴入于河右循底柱碣石觀二門遺迹至河
陰鞏洛見宇文愷梁公堰斷河為通濟渠視李傑新隄盡得其
利病

許其心計

范曼為淮南使太祖遣曰卿貪凡所遺金借用官錢悉以便宜
從事不必一一申覆也每歲運米百餘萬石以給京師時論許
其有心計

勿以秋毫

楊誠齋萬里謚文節漕運江東凡行部常禮一切不納至於折
俎交饋秋毫勿以自入悉歸之官為錢一千六百萬同上

奏減下稅

蔡襄為福建路轉運使復古塘以溉民田人利之為生祠于塘
側又奏之減閩人五代時丁口稅之半神宗實錄

代輸郡稅

程大昌字泰之徙江西路運副公曰可以興利除害行吾志矣
歲儉出錢十餘萬緡代輸四郡五等夏稅折帛過飢民為次皿之
原言行錄

虛廩振飢

前漢山東水災民飢天子遣使虛郡國倉廩以賑猶不足使者

分部護冠蓋相望費以億計

發粟濟飢

李士衡為河北都轉運使既至調發得策粟列郡有數年之積其餘以濟飢民取官分紀

更用驢輦

永平中理滹沱石舊河從都慮至羊肥倉欲令通漕太原東人苦役連年無戢轉運所經三百八十加監前後沒溺歿者不可勝美鄭訓知大功難立上言遂罷其役更用驢輦歲省費億萬計全活徒士千人後登訓傳

始募客舟

薛尚為江浙等路發運使領均輸之職運舟兵士交相侵盜

易甚則託風水沉舟以滅迹向始募客舟以官舟運費寡而物良舊弊悉去東都事略

輸六路

權邦彥為淮浙荆湖等路制置發運使轉輸六路董踰懈檢欺隱數通亡責稽滯水程陸輟餘五千里財用湊足於行在所億萬計有詔嘉歎楊誠齋集

通漕河

魯宗道遷江淮發運使通真楊漕河廢二堰舟楫便之歲入以八百萬而食京師東都事略

鑿泗州渠

蔣之奇字穎叔擢江淮荆浙等路發運副使元豐六年始建鑿

泗州股渠以避長淮之險自是無覆溺者哲宗朝再為發運使東都事略

疏支家河

吳處厚紹聖初知蘇州居數月為江淮荆浙等路發運使疏支家河通漕楚漢歲漕六百二十萬石至京師又修復秦州捍海堰成復通戶三千六百民為立生祠同上

王鼎發八難

慶曆中王鼎為淮南江浙荆湖制置發運副使內侍王永德奏請公斥置鋪挽漕舟歲可省費六萬鼎議以為不可司判官一員將永德就鼎議發八難永德不復爭鼎因言陛下幸用臣不宜過聽小人有所變更以誤國計於是永德言始不用居二

年遂為使

擢卿立中制

仁宗時都官員外郎吳耀卿景德中江淮漕米歲不過四百五十萬石其後益至六百萬石故江淮之間穀價常貴而民貧請約咸平景德中歲漕之數立為中制上乃詔發運司歲減漕米五十萬石國史

以備賑糴

大中祥符三年江淮發運使李甫言今年運米六百七十九萬石諸路留三年以備賑糴職官分紀

但惜民力

薛簡肅公天禧初為江淮發運使薛王文正公王無他語但云

東南民力竭矣薛退謂人曰真宰相之言也言行錄

增米八十萬

張綸天禧中發運副使居二歲增米八十萬疏五渠導太湖入海復租米六十萬開長蘆西河以避覆舟之患又築高郵北漕以備非常仁宗謂執政曰發運總六路之廣財貨調用幣帛穀粟歲千百萬宜得其人而久任之擢元章閣待制在職十有三年同

歲漕餘百萬

許元擢江淮荆大制置發運判官既又為使元曰以六路七十二州之粟不能足京師吾不信也至則治千艘浮江而上不數月京師足食乃考故事明信令發飲轉徙遠近遲速賞罰皆有

法凡江湖數千里外談笑治之不擾不勞而用之足歲漕六百二十萬至京師而常餘百萬東都事略

編財賦科約

李文簡公壽字仁甫號巽齋先生除漳川路轉運判官州縣多橫歛公選官置局括一道財賦列其名色使有無相補酌三年中數而為帳編示官吏名為科約至今不廢言行錄

置財賦都簿

文簡公副運江西置三路財賦都簿未幾召還乞於本路毋廢此書上曰卿不為高論務在便民甚善

供調百萬億

李士衡河北漕真宗幸澶州東封西祀供調百萬億士衡有勳

減治數十萬

陳文惠公堯佐為河東轉運使河東地寒而民貧奏除石炭稅減官治鐵課歲數十萬以便民曰轉運征利之官也利有本末下有餘則上足吾豈為俗吏哉言行錄

開營田贍邊

歐陽修出使河東開營田以贍邊儲至今賴之初執政委修以河北之漕亦幸其不職而汙漫其才修至頗稱其職

興水利溉田

蔣之奇遷淮東路轉運副使歲飢募民興水利以食流冗溉田九千餘頃如楊之天長三十六陂與宿之臨渙橫斜二溝此其大者也東都事略

致堯劾魏庠

曾致堯為兩浙轉運諫譏大夫魏庠知蘇州介舊恩以進致堯劾其罪太宗曰是敢治魏庠可畏也

富弼薦王紘

富弼薦王紘為江東轉運紘常言不法之人如使肆貪於一郡一邑害良民千萬家不若去之不止利一家

吏不得為奸

慶曆中王鼎遷尚書刑部郎中天章閣待制河北都轉運使科率稅賦事皆躬親吏不得為奸

家莫敢為非

王素為淮南都運所布耳目甚廣人人若素坐視其家莫敢為非

官吏為三等

景祐元年令諸路轉運使副察所部官吏能否辨為三等公勤廉幹文武可取利益於國惠及於民者為上幹事而無治聲者為次畏懦而貪慢公不治職狀未露濫聲頰章者為下益立狀以聞

邊粟支二年

蔣之奇為陝西轉運副使經賦所入以給用度公私用足比其去庫繕八十餘萬邊粟皆支二年東都事略一切繩以法

孫甫為兩浙轉運使范文正守杭州以大臣或便宜行事公曰范公貴臣也吾屈於此不得不神於彼矣由是一切繩以法而

常以監司自處范公遇之無倦色及退而不能無恨公遇范公不少下退而未嘗不稱其賢也言行錄

未嘗按一吏

陳文惠公堯佐六為轉運使常以方嚴肅下使人知畏而重犯法至於過失多保佑之未嘗按黜一吏

最為識大體

張士遜出為江西轉運使薛王文正公於政事堂公從容曰朝廷推利至矣士遜起謝後迭更職思公之言未嘗求錐力之利識者曰此運使識大體同上

可為諸路法

鮮于侁字子俊閬中人范景仁舉所知除利漕兼提舉常平上

曰鮮于侁定利路役法可為諸路法又上書陳時政關失曰可為憂患者二可為長太息者二移京都轉運使

頗牧在禁中

李昶直宗問陝西兵數對曰臣為轉運使時以方寸小冊記兵及糧以備調發今猶置佩囊中真宗令擇取之因給紙令上數以進曰不意頗牧在吾禁中矣

賜緋衣

侯陟除淮南轉運使賜緋衣代袋帶以錄人才也

賜羊酒

王隨直史館出為京西轉運使時隨父母在洛中京西乃其所部也真宗賜詩寵其行復以羊酒賜使過家時人榮之東都事略

古今文集

雜著

淮南轉運使謝上表

蘇頌

贊畫耳泉久玷三臺之末觀風淮甸驟陞數使之榮朝寄匪輕地望兼重愧非才選歷定厥官姑謹詔期趣行所部寵靈所被畏惕非常竊以州郡備官所以分釐於民務朝廷遣使所以布宣乎主恩付一道之事權用六條而舉察賦輿出內俾以均輸吏治不藏責之薦黜自匪縣更於事任誰能振肅於治綱若臣者才不足以適時慮不足以經遠偶緣資級之例得從選用之階始自書坊出分使竹俄從家服入佐計籌粗收歲月之勞茂著毫分之效豈調伏遇皇帝陛下察度工之任使於人職之良

事文類聚外集 卷之六
勤拔於省僚授以利柄矧惟青海之郡寔溢東南之衝昔號奧區今逢樂歲五稼盈疇而遂茂四人勤力以厚生料乎漕運之程無煩趲辦之急惟當敷宣惠澤通究物情編齊之利病可更立求其本刑政之重輕或失當適其中止期嘉靖少稱論擇若乃事體貌以為風采盡銖兩以斂民財顧在懦愚誠多闕略重念上慈天覆聖治日新官無內外之殊事悉憂勤之繫昨臣受任之始獲面於清光陛下臨遣之言曲加於勉諭自省最為於踈遠何圖亦記於淵衷豈非以委任之優故特示符循之厚雖乾坤平施非報謝之可言而犬馬微生第勤勞而思奮倘驅馳之有用期終始以無渝

江東漕謝到任表

真德秀

兩端夾侍久點近班四牡載馳叨分劇部假中秘隆儒之寵外臺將指之光望過所期感深以惕臣某中謝伏念某材非適用幸有逢辰屬漢廷更化之初首唐室登瀛之選金鑿夜直承密命者六春王陛晨趨對清光於再稔凡吮墨濡毫之任皆振纓袞弁其間史責既稀所願優繇於邇列主恩未報寧忘眷戀於本朝其如親聞喜懼之年當謹入子清溫之職輒援公輔辭翰林之請庶幾潘岳奉版輿之權分太守之符日頒成命出少府之節遽冒殊恩懷童而過里門闕宿而臨封部敬卜中和之節重宣寬大之書輅傳初馳旌倪爭覩謂朝廷所以輟柱下之史蓋聖主所以惠江左之民因博采於風謠頗究知其疾苦以垂鑒之家而因追需之目以屢豐之歲而多流徙之人官無足

證之簿書。里有難平之徭役。文移星火不勝。胥吏之誅求。煤訴丘山。卒爲賦租之煩重。興言及此。勿秣可虞。輒殫朝夕之咨。請兼體公私之緩急。賦難遽省。蓋漸損賦外之征。民未易蘇。當先去民間之蠹。竊自量其祿薄。恐終負於選掄。茲蓋恭遇皇帝陛下。洪造曲成。大明博照。念臣志存將母。俾獲便於旨甘。知臣學本愛人。欲稍觀其政事。肆加遽職。仍畀重權。臣敢不以阜俗爲阜財之方。以悅民爲悅親之本。灌輸所仰。媿初無鞭筭之能。稽節是先。唯敬佩玉音之訓。

廣東除運判謝到任表

劉克莊

庾氏命官。法宜久任。漕臣乏使。恩許驟遷。外竊光華。內叢憂懼。中謝臣恭惟列聖尤重遠臣。在裕陵時。命端順之前輩。及淳熙

世用光朝之老儒。非取其趣辨之能。蓋責以將明之事。如臣迂拙。荷上使令。憤士風之垢汙。慨國計之殫乏。雖有范滂之志。終非所長。豈無韓滉之心。不贍於力。君命幾於辱矣。臣罪猶自知之。曾謂選掄就令飛輓。塞下之餉方急。渥中之糴復興。每於東民相告語之間。具言朝廷不得已之意。然而東南之勢久矣。垂張中上之家。今皆餅罄。芹味若可羨。而爲獻葵根。恐因刈而愈傷。况詔書之丁寧。極聖意之憐恤。若爲展筮。稍釋顧憂。茲蓋伏遇皇帝陛下。德照百官。明見萬里。益收多士。莫非建功立事之才。不弃諸生。有取固本深根之說。乃如孤外。亦在選中。臣敢不益秉公清。少蘇凋瘵。馳驅原隰。務畢達於下情。臨履淵冰。庶不負於晚節。

請置廉察罷轉運議

黃亢

惟王建國稽古治人既設其官必立其長歷觀方冊可得而知其在唐虞則十有二牧在三代則有連率焉有方正牧焉在兩漢則或稱刺史或稱州牧其實一也在皇唐則其大府有節度其次有觀察皆所以綱舉百職柄持衆政作天子之藩宣也是故民之所仰望吏之所畏服朝之所毗倚其官必重其人必賢也今則不然外官小大自足及親悉統之轉運轉運非古也起唐中葉所以督錢穀而已矣今夫用錢穀之職總守宰之官守宰主宣教化者也教化義也錢穀利也利與義不能兩全是以下憂歲之不登而民之不粒上恐財之不豐而貢之不多是上下相戾也矧其充使者不過郎官御史其官既輕其人未必賢

是民所仰望者卑也吏所畏服者弛也朝之毗倚者輕也使政不平刑不清和氣未充禱焉未來得非由此歟有芻蕘之民竊議於下曰錢穀之職宜委之郡守郡守縣宰宜統之廉察則廉察宜置轉運宜罷也所以復古官也不使吾民謂天子重利而薄義也不知朝廷三事大夫爲是邪爲非邪

古詩

送劉士彥赴福建漕

黃山谷

西風持漢節騎從嚴弓刀繼閩七聚落惇孤困吏饑土散禾黍惡水煩鮮介勞南驅將仁氣百城共一陶察入極涇渭問俗及豚羔

謝鮮于君

蘇子瞻

我懷元祐初，珪璋滿青班。維時南極老，奉使獨未還。迂叟向我言，青齊歲方艱。斯人乃福星，遣出虛危間。

送程之元江西運判

張文潛

歸去明光見天子，還指一節大江西。年來屢下寬大詔，赤子未免寒與飢。恩如受病政如藥，知病與藥何由治。此行委寄意不淺，列城數十受指麾。

上漕使

唐子西

持節三千里，提封一十州。天文占使入，地上覺錢流。更有言前信，農無賦外求。事投餘日畢，政舉大綱休。利源乾後溢，民瘼痼還瘳。印給中臺筆，行馳外部籌。

律詩

送程公闢轉運江西

王介甫

江西一節鑄黃金，最慰童濱父老心。直孺重來真強予，次公不異重臨。餘風尚有歡謔在，陳迹非無勝事尋。豫想新詩能寄我，十年華省故情深。

送韓希道亞卿移漕江東

周必大

饋餉隨蕭不作難，秦淮今視漢秦關。天開虎踞龍盤處，地近雞翹豹尾間。洗印先經三峽寺，觀風徧踏九華山。盡收奇秀歸詩藁，却趁康歌供奉班。

送芮國器察院漕廣東

周必大

星聚曾尊德，箕張各避風。別離雙鬢異，邂逅一尊同。五嶺皇華使，扁舟魚釣翁。江分鴻不到，書札若為通。

送王詹叔利州路運判

王介甫

王孫舊讀五車書，手把山陽太守符。未駕朱轡辭鼙鼓，却分金節佐均輸。人才自古常難得，時論如君豈久孤。去去便看歸奏計，莫嗔行路有崎嶇。

送周元吉顯謨左司將漕湖北

楊廷秀

君詩日日說歸休，忽解西風一葉舟。黃鶴樓前作重九，水晶宮裏過中秋。職親六閣仍金馬，喜入千屯看木牛。繡斧光華誰不羨，一賢去國欠人留。

又見周郎攜小喬，武昌赤壁醉嬌饒。蜀江雪水來三峽，吳苑風煙訪六朝。秋月春花出肝肺，新詞麗曲入笙簫。歸來却待金鑿殿，好看霜毛映珥貂。

彼此江湖漫浪翁，相逢遠宿首西東。兩窮握手論詩後，一笑投膠入漆中。臨水登山公別我，青鞋布襪我從公。貂裘已博江西艇，只待黃花半席風。

送沈虞卿秘監修撰將漕江東

楊廷秀

蓬萊仙伯沈東陽，領袖諸儒大極旁。東壁二星雲漢近，西山群玉簡編香。雞翹豹尾無多子，錦纜牙樯有底忙。惟建江山入詩集，却歸天上侍虛皇。

送韓子雲檢正將漕江東

楊廷秀

宰士仍名士，詩人更德人。還家桐樹古，攬轡繡衣新。不以鬣邊雪而忘句，裏春登庸衣鉢在。得戀大江濱。

送沈虞卿秘監將漕江東二首

洪邁

天上圖書群玉府。仙晨日月道家山。行行合在煙霄地去。去猶參論譏班。使者繡衣看更好。從官華裳未應慳。寒暄了却江東事。不到終更便賜環。

無復同趨尺五天。湖山佳處想聯翩。看君揮手謝送者。使我銷冤惟黯然。閉雨不放張祖席。停雲空自寄詩篇。過家莫作多時住。聞道東人正可憐。

送陳魯叟使君赴廣西漕

劉克莊

闔郡留無計。匆匆奪父師。使君三月政。遺老百年思。遠宦生華髮。輕裝載舊碑。海山應有恨。未得謝公詩。

送林子方吏部將漕江東

樓鑰

光堯二紀煥文章。寶閣岩巖謹秘藏。寓直到君才第四。皇華禮

樂遠增光

聖郎三度到長安。垂上青雲作好官。暫向江東一澄按。却歸徑着侍臣冠。

自說嵇康七不堪。上教持節向江南。江南父老應相賀。見說清名似晦庵。

寄江東直漕德秀

劉漫塘

金陵千古帝王都。肉食何人解遠圖。只有愛民真學士。不慙通務漢二儒。

餞雷都運

楊廷秀

朱幡玉節偏南紀。錦帳綾衾擁聖郎。使星下臨翼軫旁。西山南浦回風光。

贈漕運夏等丞

魏野

威權自與轉輸同。僕從衙庭事事雄。十郡山河關職掌。一門忠孝是家風。

送傅安道將漕七閩

楊廷秀

一代風騷將。百年忠義家。出關稱使者。踏雪看梅花。

獻張禮部

王瑀

二十登庸冠列仙。當時便合掌王言。因為甘露蘇黔首。未放祥雲入禁垣。

送周元老將漕湖北

職親六閣仍金馬。喜入千屯看木牛。繡斧光華誰不羨。一賢去國欠人留。

送杜侍御陝西轉運

陳后山

餽糧千里百無策。木牛流馬功不休。關中正須蕭丞相。省內早要富民侯。

勸曲辰使

歷代沿革唐有覆田勸農使宋至道二年以太常博士陳靖為

勸農使勸民墾田以大理寺丞皇甫選光祿寺丞何亮副之尋罷景德三年詔諸道轉運使副使開封府知府及諸道知州刺史少卿監以上兼勸農使其餘知州知軍通判等兼勸農事天禧四年改諸路提點刑獄為勸農使副兼提點刑獄公事各賜農由勅一部天聖四年令逐路轉運司自今

古今事實

請付諸路

天禧四年利州路轉運使李昉請雕印四時纂要齊民要術付諸路勸農司

請行天下

唐宇文融開元中為覆田勸農使乃奏慕容琦等二十九人為勸農判官按州縣括止丘畝招徠戶口而分業之又兼租地安輯戶口使於是諸道收沒戶八十萬田亦稱是歲終羨錢數百萬緡帝悅拜為御史中丞然吏下希望融肯不能無擾初議者

以生事沮詰百端而帝意向之宰相源乾曜等佐其舉公卿雷同不敢異惟楊瑒以為籍外取稅百姓困敝坐左遷融乃自請馳行天下事無巨細先上勸農使融與楊慎矜父子以勾剽財物爭行進奉而致恩堅固

新編古今事文類聚外集卷之八

事類類聚外集 卷之八 終

[Faint bleed-through text from the reverse side of the page]

新編古今事文類聚外集卷之九

南江 富大用 時可 編

金陵 唐富春 子和 刊

諸提舉部

提舉

歷代沿革提舉即漢耿壽昌常平之任也宋淳化中建常平倉景祐元年令轉運司與長史舉所部官專領之然抗隸漕臣熙寧遣使提領此蓋提舉常平之所始也熙寧七年又詔三司監鐵判官李杞三司勾當公事蒲宗閔經畫川蜀買茶充秦鳳熙河路博馬就除提舉成都府路買茶公事杞於秦州

事文類聚夕集 卷之九

宗閔於成都置司後改名都大提舉茶馬事九年府界畿內亦專置提舉常平倉一員不令司農丞兼領提舉常平司操常平欽散之法申嚴免役之政令治荒脩廢賑民艱阨則隸提舉司歲察所部廉能而保任之若疲軟或犯法則隨其職事劾奏提舉常平司掌常平義倉免役市易坊場河渡水利之法因民之有無歲之豐凶而欽散賑濟之凡後錢視其產之厚薄人吏廩祿視其執役重輕凡市易掌斂市之不售貨之滯於民用者乘其貿易以平物價皆舉行其政令以裕民力而阜邦財兼按察官吏之事元祐初罷紹聖九年復置政和改元詔江淮荆浙六路共置茶鹽提舉一員宣和三年詔河北京東路推行新法鈔鹽可添置提舉官一員此提舉茶

鹽之所始也

茶鹽事舊隸發運司元豐間或以轉運常平官兼提舉或以提刑兼領知通提舉政和以後始專政官吏既

而諸路皆置建炎元年詔提舉常平司併歸提刑司二年八月復諸常平官三年復置四年詔逐路提刑司茶鹽司並依舊分東西路紹興二年詔荆湖北路復置提舉茶鹽司四年詔廣西茶鹽司官吏並罷其職事漕臣五年詔諸路提舉常平併入茶鹽司仍以提舉常平茶鹽等公事為名九年置經制司改常平為經制某路幹辦常平等公事未幾經制司罷復為常平官久之復置提舉東南以茶鹽司兼領四川以提刑司兼領紹興十五年戶侍王鐵言常平法望復置提舉官乃命諸路茶鹽官改充提舉常平茶鹽惟四川廣西以憲

臣准西京西以漕臣兼領仍別置官吏
使提舉河渡司諸路交鈔都提舉諸路雜造提舉諸監司提
舉諸茶司提舉諸管匠提舉諸路弓匠箭匠弦匠提舉四州
中興交鈔提舉司使諸路宣課提舉各處鐵冶提舉提舉諸
河路渠水利官提舉廣惠司外路平淮行用庫提舉隨用各
置都提舉同提舉副提舉等員

羣書要語

康寧康政

並慶元制

朕以常平蠲後之政加惠黎元

初察除方略制

昔在神考

取成三代

制為常平蠲後之政以利

天下初察除黃琮制

淮東煮鹽之利供國用

什一命汝以使者

節臨之張于湖除韓彥直淮東提舉制掌摘山煮海之利以佐國用皆有鈔法視其歲額之登損以詔賞罰且給之不如期

之不如武與州縣之不加恤者皆效以聞必能為吾講摘山之制龍溪除起宗制

詩句梅花迎笑錦囊古南斗退避文星寒動搖山嶽細事耳約東海若收波瀾楊誠齋送蔡定夫提舉使廣東

古今事實

入境按吏

潘時字德鄜遷江東提舉入境發賊吏一人故相有為請者不聽竟按逐之列城震聳行部所過延見父老使縣別為輩以次召問所疾苦及吏治得失戒州縣毋得除舍館飾供帳鈐鍵吏卒所過肅然父老歎息以為未始有也文公集

委權効吏

事文類聚

卷之八

三

熙寧十年李稷提舉成都府等路茶場熙河市易事于詔曰川
茶一司創置雖久未能就緒儻非得材智之人益以事權無所
成李稷風力固已可仗然權勢輕小可依李杲例兼三司判官
仍委權不限負舉劾官吏

發倉佐軍

鄭尚書丙提舉湖南李金陷郴州尹寬起寧遠縣以應之衡迓
賊巢提刑託行部以避其鋒常平亦置司在衡公兼程疾趨督
州將治城訓兵復常寧縣民恃以安公乞部軍濟師糧餉不足
發倉佐之賊平協助為多言行錄

拯救活民

公提舉浙東時浙東飢民滿野先生條具利害奏請拯救活飢

民無慮數十萬在任按劾賊吏舉行荒政一路肅然朱文公行

為百萬課

李稷提舉成都府等路茶場初蜀茶額錢三十萬至稷加為五
十萬及肇師閔代稷為百萬

易萬匹馬

元符末程之邵乃對徽宗詢以馬政之邵言戎俗食肉飲酪故
貴茶而病於難得願禁沿邊鬻茶以蜀產易上乘詔可未幾易
馬萬匹四朝志

增額十一引

自趙開行鈔法每茶百斤為一太引商人輸引錢市利八百
文至紹興十三年增為十一引時物價騰踊茶商取息頗厚明

年主營官賈思誠又增為十引三百文於是諸場類皆溢額而賈馬之數復不加多人但知茶馬司之富甲於天下其實所收引錢視建炎倍增後雖破敗不可復減矣 中興係年錄

茶息百餘萬

蘇康嘗按察使陝謂茶政隨事制宜便於公者不苟去以為名害於民者不苟存以為利是歲遂代前官領茶馬事在職歲餘士大夫乃頗見信初陸師閔特歲計茶息以二百二十萬緡措克欽然無所不至及廉將軍盡除公私之病比數年亦得百二十萬也 長編

原法就功

李稷言一年通計課利錢七十六萬緡上批蜀茶變法稷能推

原法意日就事功宜速遷擢以勸在官

遣使相視

司馬光元祐初相罷諸路塩鐵皆復其舊獨川陝茶以邊用未即罷遣使相視去其甚者

役書可法

鮮于侁字子駿熙寧初范鎮舉所知除利漕兼提舉常平上曰鮮于侁定利路役書可為諸路法

風力世濟

王鎮字承可風力世濟臨事精密建炎復被除擢為湖南提舉茶塩移淮東

上聖德詩

事文類聚外集

卷之九

五

皇朝詩話

張商英提舉京西南路常平等事。公以說獻曰：真壽者不死，真樂者不憂。真治者不亂。其說以長久冲澹為主。上異其言，召還上元豐聖德詩一百二十韻。上曰：卿不廢學如此耶。除館職。張丞相商英家傳。

奏常平數

公遷湖南提舉常平，赴闕奏事。上曰：卿到任後，有民間利害，奏之無隱。胡北郡常平多所侵用，文書類載虛數而已。公悉為覈實，且奏乞自今諸郡主管官秩滿，並以實數付之新至者。朝廷可其說，自是遇有水旱，皆可贍給。黃通撰謝殿撰師稷行狀

提舉銀場

胡則字正提舉江南路銀銅場鑄錢監，得吏所匿銅數萬斤。

東僮且死，則曰：馬伏波哀重囚而縱亡之，吾豈重貨而輕數人之命。止藉為羨餘。仁宗實錄

提舉市舶

紹興二十一年，李莊除福建提舉。上曰：提舉市舶司委寄非輕，若用非其人，則措置失當，海商不至矣。莊可發來，直議然後之。中興會要

古今文集

雜著

浙東提舉到任謝表

朱元晦

擢於偏壘，付以外臺。便道造朝，單車詣部。延見父老，問其疾苦之因。宣布詔書，諭以丁寧之意。榮逾望表，懼溢情淮。中謝伏念

臣生長田間棲蓬林壑居然朴拙見謂迂踈蓄心切慕於師承
 行已敢干於義命會逢聖旦參預時流驟自草萊起分符竹乾
 坤大德施且不貲螻蟻私情報於何有屬歎歲民無艱食謂愚
 臣職有微勞寵之冊府之華昇以近畿之節雖駑馬之十駕後
 者鞭之然鼯鼠之五窮技止此耳毋乃累公朝之選重以為多
 士之羞茲益伏遇 皇帝陛下闢舜四門馭周八柄欲尺寸之
 長金用致孱微之品亦收比奉對揚親叨臨遣大明委照不弃
 負薪之言零露疏恩更下賜緡之令顧憂所在稱塞為難臣惟
 當恪意講求因時施舍不能則止戒小已之便文當官而行慕
 古人之報國庶殫毫末上答丘山

廣東提舉謝到任表

楊廷秀

守延陵季子之墟愧無治行使南粵尉佐之境復拜恩三載在
 如天反已維谷中謝伏念臣學非世用才不入先幼而讀書亦
 竊探壁中之科斗長而試吏顧安知柱後之惠文三年朝班再
 歲輔郡進亦思磨礪於名道退則欲布宣於詔條訖無消埃小
 補河嶽九天曉日念孤臣將遠於長安四葉秋風忽寵命載驅
 於原隰至于南海保彼東方惟所部十有四州去脩門幾四千
 里物眾地大壤沃泉甘臣始入疆告厥父老上不忘遠翁然惟
 呼海若祝融彈壓波瀾之險朔雲邊雪駐除江嶺之芬暨于幽
 遐罔弗嘉靖臣以使事官于海邦渙乎榮光展也微福茲益伏
 遇 皇帝陛下丕釐駿命恪冒臣舍生日月宣精照朔南而不隔
 乾坤有造均雨露以無偏曾是薄材俾將隆指臣敢不輯寧周

察拔去姦貪出納有司但欲委積名離之滋殖澄清當路庶幾使豺狼狐狸之一空

代淮東顧提舉謝表

汪藻

臨遣江淮方員責成之寵改除淮甸更叨從欲之仁即至封郵具宣德意蓋始望未常及此雖自謀何以過於伏念臣縣力薄材寒鄉僻族早襲搢紳之後浸厲鞭策之榮往涖闡區無補摘山之政頃歸魏闕遽分原隰之華入承當宁之清間申喻理財之曲折及瓜尚遠索米為憂蒙造物之寬恩與臨流之近地謂一方稍病失春耕秋歛之常欲比屋皆蘇宜朝令夕行之速其布哀矜之指以寬流冗之民豈臣卷愚堪此優寄茲益伏遇皇帝陛下恢張治具駕馭人才垂衡聽以並觀遇寸長而必錄

有如孱瑣亦玷使令臣敢不仰承賡訓之下寧不誤淵衷之紹述每懷靡及亭薛四牡之驅馳迄用有成願上三年之計最

代福建提舉茶事謝上表

後兼常平 洪邁

摠浪舶於三吳訖微善狀按雲腹於百越復冒除書揆日問塗挾辰詣部中謝切以漢規先具開邊耀以均輸唐務富藏藉關征而贍本雖有便民之志頗乖實廩之宜紛更旋奪於廷臣捐瘠或隨於軍用迨中世徙場而權客致諸番場地以名錢太抵虛文蔑聞見效備聖明之立制張職守以建官吏偶失於三思事寔成於一切維時改作盡復舊章自非通敏之流曷副班宣之責如臣者猥蒙世賞辱在周行無材能闕閱之勞固宜尺退習功利分銖之事豈有寸長曾使華存沾恩紀茲益伏遇

皇帝陛下體天剛健措國清寧摠六服以收賢明德遠矣訪萬
幾而詢政使人器之遂令朝者之微亦玷輔軒之寄臣敢不哀
多益寡散滯取贏一身而二任之加勉祗承於上意三登遺九
年之食庶還定於王民

廣東提舉謝到任表

劉克莊

起廢察刑從天而下便私易部遵海而南具布漢條初行粵俗
臣中謝臣切稽使指備載聖經君之遺臣也有光華臣之報君
也以忠信今百端之供億殆遍國中餘一髮之本根獨惟嶺外
方且糴舟之發銜尾離欽之取及膚空熙豐以來之儲增紹淳
未有之額使賈生之及見哀痛謂何雖劉晏之復生變通安出
乃如臣者豈其任哉嘗試絃歌本必賤言游之緒論道分符竹

慕陽城元結之遺風又聞退而里居尤開疎於時務疚心徒切
着手應難惟有清修革彼篋苞之類詎宜謬巧取諸荷若之間
民生或不自聊臣死奚足塞責矧都邑之二風尤熾與間閭之
五瘡未蘇曾是人微欲其身率茲益伏遇 皇帝陛下記功忘
過舍短錄長謂一男子妄上書本緣愛生屬見大夫無可使遂
取充貪庶令荒遠之情悉達靖淵之聽臣敢不寒唯而訪草奏
以聞惟無瑕者戮人必先已責以不貪而為賢少戢吏饗

撰常平恤民制書

唐子西

夫理財所以養民養民所以阜財知理財而不知恤民則民且
散矣安得財而理諸財用不足而加賦擾民其害有甚於是者
則財亦不可以不理此常平之法所以必不可廢雖廢而必復

也雖然徒法不能以自行故國家部置使者任之以權授之以
成書使專董其事予欲使民仰事俯育足以自給汝為予欲使
民凶年飢歲無流離失業汝恤予欲使民疾苦呻吟有以自達
汝聽予欲使吏奉法惟謹無意外弊空以侵漁小民汝察庶民
艱食赤子開口仰哺嗷嗷吏或恬視不忿主撮民所不欲吏或
牽課抑強以利歲入之贏數期會未至吏或文移四出係累敲
朴以要治辨之功汝其糾戒必罰無赦於戲有弊吏無弊法立
法之意至寬至厚條日至纖至悉至明至白汝推行之無俾民
受其害而歸咎其法無俾累意之人得以藉口譏譏無謂朝廷
不汝聞知朕言維服其聽無怠

論常平倉

余靖

臣聞天下無常安之勢無常勝之兵無常足之民無常豐之歲
由是古之聖王守之有道制之有術儻有緩急不可無備伏觀
真宗皇帝景德中詔天下以逐州戶口多少量置上供錢起置
常平倉付司農寺係帳三司不問出入每年夏秋兩熟准市價
加錢收糴其出息本利錢只委司農寺專掌三司轉運司不得
支撥自後每遇灾傷賑貸使國有儲蓄民無流散者用此術也
前三司使姚仲孫今春已來於京東等處借支司農常平錢以
給和買雖然借支官錢以充官用循常視之似無妨礙若於經
遠之謀深所未便臣切惟真宗皇帝聖慮深遠臣敢梗槩言
之當今天下金谷之數諸路州軍年支之外悉充上供及別路
經費見在倉廩更無餘羨所留常平本錢及斛斛等若以賑贍

飢荒此固常慮所及矣萬一不幸方偶小有緩急常給資糧應卒可備豈非先皇暗以數百萬之資蓄於四方者乎今若先為三司所支則天下儲蓄盡矣伏乞特降指揮三司先借支常平本錢去處金仰疾速撥還今後不得更有支撥金依景德先降敕命施行又聞昨來遭旱州軍司農寺至今未曾指揮出糴斛斛伏乞指揮司農寺遍牒諸路州軍應各出糴斛去處金仰疾速開倉減價出糴無使人民失所此實惠民之急經國之要者也

議茶

何恭

農桑貢賦王道之本也管榷雜稅王道之末也善為國者重其本而輕其末不善為國者反是由堯舜至文武皆重其本者也

由秦漢至隋唐重其末者也重其本故薄征輕斂而天下有仁義之俗焉重其末故急徭橫賦而縣官遂興管榷之利焉管榷之利茶其首也當漢武之時兵食國用皆不足雖群臣獻策盡籠天下之貨然茗薺之利猶不之取歷代議者亦未嘗一言及之至唐永泰中天下耗竭莫或為計乃有趙贇首陳稅茶之策正元之後又兼張滂之謀雖權宜立制一切不合於古然亦未至於權也逮乎文宗當李訓輔之恣為詭說以惑其聽內則協鄭注姦邪之議外則資王涯刻暴之苦始立使號以權茶為名茶之有權自此始也于時新令一出所暴虐者甚眾以是故身伏大誅爾後賢臣繼世一興一廢或以慘急而行之或以仁慈而議之如裴休者則欲去權復稅以什一之法如冷狐楚者則

欲通商惠衆以增上下之便雖深究利害各極當時之宜然行之一朝流弊千載國家勃興昌運撫有萬方四聖接武澤流生民所先者仁義之化也所行者禮樂之教也所敦者農桑之業也所後者管權之利也然卒以資國用而充兵食者權貨一局尤爲劇大焉自曩歲群臣定議隨土宜而制之或禁其私鬻以充郡縣之課或通商人以洩縣官之利各任其俗成乎便宜以今觀之則禁者誠非而通者誠是也何則茗者山林之所產也山林者人力之所管也所管者博則所生者衆所生者衆賦歛者舒則常生之業畢出於是矣今乃申嚴號令窒其私鬻之路欲使民利一歸於公權歛之計誠得其術曾不知弊生於下而抵肩之獄闐然而起矣及其不勝也然後從而加之民或至

死亡而不懼令或至峻烈而無益久不易則無乃傷仁慈之政乎而又上之人急繼以千艘一歲之庸動輸百倍傷財暴衆無天於此故曰禁者誠非也今若普治天下均其常法上則莠民以爲大局下則通之於商人其直也就中都而入之其名也由外郡而興之俾夫周旋海內自受其益所過閉市則悉增其稅所至郡國悉弛其禁夫可以減縣官每歲之用亦可以息生民抵肩之獄此謀一立萬世利之故曰通者誠是也二者之論期於一擇

論岑水場事宜劄子

洪邁

臣前日進對伏蒙聖慈垂問坑冶利害及韶州岑水場興廢曲折頃歲先臣謫處嶺外臣隨侍往來數至其處問父老所談見

石刻題識方其盛時場所居民至八九千家歲採銅鉛以斤計者至數百萬自建炎以來湖湘多盜浸淫及於英韶焚掠死徙無有寧歲今所存坑戶不能滿百利入既鮮飢寒切身無由盡力爲國興利地不愛寶銅山固自若也今陛下留意泉貨方大興鼓鑄非多得銅不可雖使提點一司朝暮趣辦然必州縣有之乃能副急故其要莫若博議復興此場興之之要在於多得坑戶而瘴癘之地黃茅極目人不樂居其勢不可徙民又不可徙兵是豈終無策乎臣切見諸路所治寬惡強盜及在法受贓殺人可愍而特旨貸命者大抵皆配廣南終身不得歸一歲之間亡慮數百輩日月益久多復沈命若使自今以往一切配此場爲兵押之鑿山采銅隨所得中分之以其半入官其半與之

而官以平直就買仍與之約若至場以後不逃佚不犯罪者量其元犯輕重所入多寡分爲三等各立配役年限限滿則爲給公據還鄉爲民此等雖惡黠不逞知有自新之路又有半直可以贍生必將欣然樂於赴役萬萬不疑所患獨盜賊而此曹之力自足扞禦不與異時平日此也至於養兵築室器用之費非韶州所能給當仰轉運司轉運司亦或不繼獨廣東鹽事司有所當買鹽賣剩錢貯於都倉其數不鮮取而用之未足爲損但亡命群聚意外不可無防事須官軍彈壓韶州舊屯殿前左翼軍數百人有統領官一員可以就付節制而令上隸提點刑獄司使之察軍中刻剝侵牟及非理役使之過蓋提刑司實同共評議上其所當行者及別下坑冶司治其條自俟其奏至却令

刑部立所謂配役及放還之法苟如此策行之三年當有日新
之利臣區區管見未詢於衆所懷如此不敢不盡乞賜聖察取
進止

古詩

送鄭惠叔司封江西提舉

樓鑰

君名北斗魁步武上霄極蓬萊群玉府圖書照奎壁郎官應列
宿寢覺象緯逼胡為作使星炯炯向江國仰奉鶴髮親版輿映
萊服昔日紅蓮池帥垣資婉畫方將散餘潤連城被膏澤官摧
與民繇豐儉煩振耀小試活國手疲毗賴休息便歸侍玉皇
立香案側富貴殊未已行行上鵞掖君其妙演綸三能看齊色

送楊晦叔提舉浙西并寄陳表道樓鑰

兩兩郎星映使星老人星彩對晶明褰帷共喜行畿甸洗印仍
欣就帝城五馬况當恩始拜三吳從此政尤清便看瑞氣來稱
壽同聽嵩呼萬歲聲

送羅春伯太著提舉浙西

楊廷秀

鼎重聲名彼一時夫君下筆與渠齊承明厭直辭金馬英蕩非
閑訪碧雞山嶽動搖增氣色詔書宣布舞群黎歸期只在千秋
節留賦蒼蒼鳳掖西

送謝子肅提舉寺丞

楊廷秀

天台山秀古多賢晚向池塘識惠連十載江湖州縣底一言金
石冕旒前方陪廷尉甘棠舍又賦皇華小雅篇拾得澄江春草
句端能染寄不登牋

送趙民則少監提舉二首

楊廷秀

漢庭近白少宗盟博選宗英副匠卿高帝子孫誰宿德翰林風
月得先生又持一節湖南去政是三湘鴈北征但使遠民蒙福
了早歸詞禁賦新鷺

又

座主門生四十年江湖契濶幾風煙同朝再接鷺行裏握手相
看鶴髮前誤喜論詩追舊事不知呼酒是離筵老懷只作還山
夢輸與先生早着鞭

送別邢懷正直閣赴江西提舉二首

周必大

大江西畔米流脂飲散新陳倚繡衣旗展春山千嶺暗霜飛暑

路萬艘歸朝家法備農商信臺府官閑按牘稀廬阜虎溪天下
景未妨行部欵禪扉

又

二年踈懶累深知喜見白華授節時歸里欲依東道主登畿怡
負北山移黃閣遙想前驅弩白下空攀遠別枝坐席未温公不
觀却從南蕩候旌麾

送陸務觀赴七閩提舉常平茶事 周必大

漢皇親召賈生還京洛爭看北海賢却畏神仙足官府便思風
采燥雲烟暮年桑苧毀茶經應為征行不到閩今有雲孫持
使節好因貢焙祀茶神寫棧和棘已多年父老猶傳住簿賢
扶杖喜迎新使者赤帷何惜與高褰波鷺又抱直明光風味

當思十八娘擬請一麾依故舊得無公道學蘇草

送黃景聲秘丞提舉浙西

樓鑰

江有無雙第十人清名久矣動簪紳心平氣勁無偏黨好在皇朝作爭臣官家親擢得真才柏府蘭臺更外臺未問造驅向丘壑半塗應有詔書催從來軒冕一毫輕朝蹟初收去玉京打破畫瓶無个事不妨遊戲繡衣行論詩纔了便談禪鄙吝冰消竟豁然稽首心空先及第敢將葵未論同年玉節光華照日畿楊清激濁正當時阿連幸出百僚底正恐翁歸不受私

送衛河叔著作題舉淮東

樓鑰

漢廷早已冠群仙闊步登瀛最少年切歎豈惟年叵及人門才業總翹然通泰牢盆巨海濱官家專欲用儒臣淮南草木生

顏色又見龍頭第十人 虎榜先登到鳳池前良多以十年期

雖知勇退流急去壯歲功名會及時 羨君持節拜庭闈未老

雙親着綠衣若過益公煩問信坐曹日念舊游稀外府舊為救局衛乃益侍兩婚

又

屢從樽酒接從容叔寶風姿照座中他日相逢年益老棊壇尚可角雌雄

諸鹽使

副使 諸鹽場管勾 同音勾

歷代沿革漢置均輸鹽鐵官宋則茶鹽皆隸於提舉司管領之

其屬有監鹽之員元亦有諸鹽使副使又有監場管勾

同音勾之職

羣書要語膠高舉於魚鹽之中孟齊管仲魚鹽富國管子推東

池鹵其息倍稱元微之行唐慶制以幹鹽之才領鹽鹵之務管

推條制動皆得宜白集裴弘泰制局課衍盈胡文恭行姚穎制

商利苟者以饒衍各最同上行賈穆制塩鐵推束之籍杜牧行

李鄂制往幹牢盆之入頗增近監之饒胡文恭行劉繼制征等

之饒衍於局次同上行牛拱辰制臨筦推之局置無遺力沛有

美緒行毛維藩制

古今事實

均輸塩鐵

漢置均輸塩鐵官食貨志

舉於魚鹽

見前要語

魚鹽富國

見前要語

國用益饒

崔公儉幹池塩于蒲脩牢盆謹衡石煎和既精飴散乃盈商通而荐至吏懼而循法幾不結網而國用益饒歲抄會其所入贏美什百詔下褒其能劉禹錫崔公郵碑

復海陵堰

范文正公仲淹字希文監泰州西溪塩稅貽書長安運使張綸復海陵堰綸表知興化縣仁宗實錄

築捍海堤

范仲淹監泰州西溪鹽稅建白於朝請築捍海堤於三州之境長數百里以衛民由言行錄

目為學士鹽

劉忠肅公摯諱監衛州鹽倉先是倉吏與綱兵姦利相市雜以偽惡人未嘗食善鹽聖乘意核視且儲其美以為償弊減十七八父老目為學士鹽四朝國史

古今文集

雜著

錢清鹽場廳壁記

劉漫塘

錢清鎮去紹興府四十五里而近有江曰浦陽蓋自婺之浦江發源浦江舊名浦陽也唐志載越州有府一曰浦陽乃府兵之

府城基猶在有橋曰隱兵而錢清之名則不知所始相傳以為錢武肅王誅董昌於浮梁因以得名然近嘗發土得靈助廟捨路記乃會昌中碑已言錢清則名已久矣昌傳言執昌至西江五代吳越世家又言西小江豈正謂此江邪或言後漢父老持百錢送太守劉寵寵各為取一太錢以此表其清云熙寧間部使者盧秉論鹽課云越之錢清場江水清淡以六分為額不言三注曹娥兩場老吏云崇寧改鹽法始以錢清分為二場場基堆阜四環乃舊教閱之所今猶目為教場亭民本九十餘戶戶每月出鹽一席豪民既侵奪其地邑胥又多方漁獵之復有私販通注之擾僅餘二十戶而額不減使之均出是以重困四五十年來未嘗及額而逋負逾積矣從弟鏞孤苦力學久處上

庠幸取世科頃尉東陽頗著能聲轉而為此不敢不謹撫存亭
 民既為之別蠹疏源又問為之代稅輸二十八戶欣然如更生
 而課亦隨羨遂增九分有奇廨宇建於崇寧二年適百年矣雖
 頽敝之甚高宗幸四明略嘗駐蹕其中鏞為一新之倉使得
 十萬錢而為屋二十餘楹宏敞雅潔什器俱備使亭民之解事
 者司錢物之出入官吏皆不與居民仰歎以為前所未有也又嘗
 為府中脩山陰兩鄉海上石隄八百丈土塘千二百餘丈添砌
 兩埭造南岸大石橋以便往來亦可謂勤矣去替止三月以書
 來求壁記將書前任名氏歲月之詳因為取其大槩併記之庶
 後來者有考云

重修廣州都鹽倉記

洪邁

客從東方來道南粵顧瞻其山川樂甚為解纒少留時時遊父
 老間頗得聞粵中賢大夫事始則毛舉枚具一一數不悉客臨
 而面之曰丈夫休矣盍置此而新其說乎一人茫然長思食頃
 乃言曰客果欲知之邪則吾部使者陸公真其人自朝廷合常
 平茶塩之政相更五六官因仍為客羨蠹弗剔隔引歲月儲敝
 無地而公尋端摘緒晝暮嘗言省利出害去道然一新顧吾能老
 而已不暇細語客姑告客以都塩倉之故嶺南醜為市與他
 道百而吾州南肘大海厥土廣瀉宇益取贏又百他郡異時不
 官以臨不膾以貯指庫宇數列借為倉稱鬻塩狎至或露積不
 墉不泚于涂泥則回入主吏稽商蹄財上下一息公能出笑談
 於期年時屋二百脩廊緜迴簷角騫舞重欄傑棟演迤嚙泉而

吾一民不與知。歲計甲乙舊為緡錢五十萬大抵不能滯今直
 數月主辨方求益縣官至上百萬未止使得如漢倉庾氏世公
 子孫吾儕小人衣食而羨於塩足夫客曰父老而不前聞昔公
 為蒲陽以忠厚長者近民詠歌不可足至溢為嘉麥靈芝之爵土
 邑之三瑞固已繪諸天朝特書史官持以試南宮士榮榮然驚
 入惠歎茲土如萬分一方將都通藩取介位鴈行天子從官振
 前之光明詔書且下不父父老雖借亦安得常常而見之及今
 成計買石誦烈寄後日亡窮思其可也客故倦游尚能從筆研
 事父老亦有意乎皆再拜偃謝曰幸甚願卒如上客教公名煥
 字允濟長樂人客番陽洪邁也紹興二十五年四月二十日記

古詩

送元衛弟赴長亭塩場

樓 鑰

阿連生而秀一親所甚愛仲兄勤拊養遇事輒加誨幹蠱靜而
 辨肯次無卑隘今焉職宇益官字臨渤解毋謂官為小要使所
 居大毋言才可一檢身到織介我家門戶重衣冠綿數代當以
 誠心求子視勿自憚亭民亦良民孰謂俱無賴官吏既擾之兼
 并責逋債款波亦良苦樂歲色尤菜輸塩不得錢何以禁私賣
 所在積蠹久良法浸多壞吾聞不無術更當審利害熟視不為
 謀空養媿難益不應行一切遽使絕稱貸富者能巧取倍息父
 仍在貧者庶少寬公私可緩帶毋年登九十家居幸康泰其家
 不從政禮經有深戒幸子去不遠時時可歸拜小別不足惜輕
 舟送前邁

諸茶場使

副使

歷代沿革宋有監茶謂之監管官以征榷場務歲有定額以登耗為殿最賞罰凡課利所入逐白具申于州

元有茶場

使副使又有西蜀四川監榷茶場使

羣書要語領筭商車典臨茗局 胡文恭行孫誥制

古今事實

十年管庫

呂希哲前後為管茶庫者幾十年矣 東都事畧

逾年辭去

章望之好學有文監杭州茶庫逾年辭疾去 東都外集卷之九終

早稲田大学図書館

011488600062